

Da scopre venti simu nati, cum'è l'acelli benedetti  
Chì si lascianu nidu è tetti  
Quand'ella vene l'inguernata, quand'ella vene l'inguernata

Simu sempre à valisge fatte, simu sempre à mezu à le mosse  
Pocu ci impremenu le scosse  
È pocu dinù le disfatte, è pocu dinù le disfatte

Simu di quelli di partenza, simu di quelli di vultata  
Cusì rinova l'abbracciata, cusì ribomba la speranza

Cum'elli sò belli i viaghji, l'avviò li treni è li battelli  
È di stradò li riturnelli  
Cù centu milla paisaghji, cù centu milla paisaghji

È po li cavalli d'idea, i più meravigliosi sogni  
I più primurosi bisogni  
A nostra più vechja epupea, a nostra più vechja epupea

Simu di quelli di partenza, simu di quelli di vultata  
Cusì rinova l'abbracciata, cusì ribomba la speranza

Ma chì ci moverà le voglie, chì ci mette l'ale à i pedi  
È ci accarezza vulinteri  
Cum'è l'acqua nantu à le foglie, cum'è l'acqua nantu à le foglie

Quand'ella corre liberata, ch'ella canta e so canzone  
Nant'à a ringhera di u balcone  
È ch'ella leva una ventata, è ch'ella leva una ventata

Simu di quelli di partenza, simu di quelli di vultata  
Cusì rinova l'abbracciata, cusì ribomba la speranza